

Konjic, 14.10.2008. godine  
Broj:343 /08

**ZAKLJUČCI**  
**SA SJEDNICE PREDSJEDNIŠTVA**  
**SAVEZA OPĆINA I GRADOVA F BiH**

U Konjicu je dana 14.10.2008. godine održana Jedanaesta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je **12** članova, i to:

1. **Hasan Ajkunić**, načelnik, Općina Bugojno,
2. **Jasmin Emrić**, načelnik, Općina Bužim,
3. **Amer Čenanović**, načelnik, Općina Ilidža,
4. **Rasim Omerović**, načelnik, Općina Kalesija,
5. **Emri Bubalo**, načelnik, Općina Konjic,
6. **Đuro Topić**, načelnik, Općina Orašje,
7. **Ante Bošnjak**, načelnik, Općina Posušje,
8. **Zdravko Prka**, načelnik, Općina Tomislavgrad,
9. **Vlado Alilović**, načelnik, Općina Vitez,
10. **Izet Bašić**, načelnik, Općina Zavidovići,
11. **Predrag Šupljeglav**, Pomoćnik gradonačelnika, Grad Mostar (po ovlaštenju), i
12. **Sanid Zirak**, Pomoćnik načelnika, općina Goražde (po ovlaštenju).

Pored gore navedenih, sjednici su prisustvovali i: **g-din Ferhat Mustafić**, načelnik, Općina Gradačac, **g-din Jasmin Imamović**, načelnik, Općina Tuzla, **g-din Husein Smailović**, načelnik, Općina Zenica, **g-din Ismet Omerović**, načelnik Općine Sapna, **g-din Hamdo Fatić**, načelnik, Općina Vareš, **gđa Vesna Travljanin**, Sekretar Saveza, **g-din Selver Keleštura**, Općina Zenica, **g-din Hajrudin Katardžić**, Općina Zavidovići, **gđa Suada Hadžić**, Pravobranilac, Općina Stari Grad, **g-din Zlatko Voljevica**, Pomoćnik načelnika, Općina Centar, **g-din Blagun Lovrinović**, pomoćnik načelnika, Općina Novi Travnik, **gđa Hanifa Selimović**, stručni suradnik za imovinsko pravne poslove, katastar nekretnina i prostorno uređenje, Općina Sapna, **gđa Zlata Turkić**, saradnik za rad sa komisijama i institucijama vlasti, **gđa Elvira Imširović-Bolić**, viši saradnik za pravna pitanja, **g-din Amir Kupusija**, suradnik za odnose sa javnošću, **g-din Edin Demirović**, saradnik za lokalnu samoupravu, i **gđica Šejla Hasić**, viši saradnik za projekte.

G-din Hasan Ajkunić pozdravlja prisutne i čestita novoizabranim načelnicima. Prije predstavljanja Dnevnog reda sjednice, daje riječ domaćinu, načelniku Općine Konjic.

G-din Bubalo pozdravlja prisutne.

G-din Ajkunić konstatuje da je prisutan dovoljan broj članova Predsjedništva kako bi se donosile pravosnažne odluke te stavlja Dnevni red na razmatranje uz prijedlog da se tačka sedam: Inicijativa Općine Tuzla vezana za Izmjene i dopune Statuta Saveza, prebaci kao druga tačka

Dnevnog reda, te da se pod tačkom tekuća pitanja uvrsti i rasprava o Zakonu o izmjenama i dopunama Zakona o pripadnosti javnih prihoda.

**Dnevni red je jednoglasno usvojen.**

1. Zapisnik i zaključci sa Desete sjednice Predsjedništva Skupštine Saveza općina i gradova Federacije BiH

**Zapisnik i zaključci su jednoglasno usvojeni.**

2. Inicijativa Općine Tuzla vezana za Izmjene i dopune Statuta Saveza  
Izvjestilac: Jasmin Imamović, načelnik Općine Tuzla

G-din Ajkunić konstatuje da je ova inicijativa već razmatrana na Sjednici Predsjedništva održanoj u Kalesiji te da je donesen zaključak da se razmatra nakon lokalnih izbora. Daje riječ g-dinu Imamoviću da obrazloži svoju inicijativu te da se pristupi glasanju.

G-din Imamović pozdravlja prisutne i obrazlaže Inicijativu Općine Tuzla. Naglašava da trenutni način biranja i broj članova Predsjedništva nije reprezentativan shodno broju općina po različitim kantonima. Ti parametri nisu uzeti u obzir prilikom kreiranja Statuta Saveza. Stoga predlaže da se član 24. Statuta Saveza izmjeni tako da Predsjedništvo broji 17 članova Predsjedništva umjesto sadašnjih 13. Također, g-din Imamović predlaže da se Izborna Skupština Saveza održava 90 dana nakon izbora, što daje mogućnost bolje pripreme. Općina Tuzla predlaže slijedeće izmjene Statuta na osnovu Odluke o izmjenama i dopunama Statuta Saveza općina i gradova Federacije Bosne i Hercegovine, kako slijedi :

#### **Član 1.**

*Član 24. Statuta Saveza općina i gradova Federacije Bosne i Hercegovine („Službene novine Federacije Bosne i Hercegovine“, broj 29/08)(u daljem tekstu:Statut), mijenja se i glasi:*

*„Član 24“*

*Predsjedništvo broji sedamnaest članova.*

*Članovi Predsjedništva su općinski načelnici, odnosno gradonačelnici.*

**Članovi Predsjedništva Saveza se biraju na slijedeći način:**

*- općine/gradovi sa područja kantona u čiji sastav ulazi šest ili više općina imaju po dva predstavnika u Predsjedništvu, od kojih je jedan predstavnik iz općine/grada sa statusom sjedišta kantona, a drugog predstavnika sa područja svog kantona općine/gradovi biraju između sebe;*

*- općine/gradovi sa područja kantona u čiji sastav ulazi manje od šest općina između sebe biraju po jednog predstavnika u Predsjedništvu.*

**Predsjedništvo Skupštine Saveza predlaže predsjednika i zamjenika predsjednika iz reda članova iz predhodnog stava ovog člana.**

**Predsjednik i zamjenik predsjednika se rotiraju na dužnosti svake dvije godine i ne mogu biti iz reda istog konstitutivnog naroda.**

*Članovi Predsjedništva biraju se na period od četiri godine na Skupštini koja se održava u roku od 90 dana nakon potvrde mandata načelnika od strane Centralne izborne komisije, a nakon održanih lokalnih izbora.*

*U dva uzastopna mandatna perioda, Predsjednik Predsjedništva ne može biti iz reda istog konstitutivnog naroda.*

*Predsjedavajući Skupštine i zamjenik predsjedavajućeg Skupštine i sekretar Saveza prisustvuju sjednicama Predsjedništva Skupštine Saveza bez prava odlučivanja.*

#### **Član 2.**

*U članu 27. stav 1. Statuta iza tačke 8, dodaje se nova tačka 9, koja glasi:*

*„9. Donosi odluku u ime Saveza o pokretanju postupka za zaštitu prava na lokalnu samoupravu, pred Ustavnim sudom Federacije Bosne i Hercegovine“.*

*U članu 27. stav 1. tačka 19. mijenja se i glasi:*

*„19. Donosi odluke, rješenja i druga opća i pojedinačna akta u okviru svoje nadležnosti i obavlja druge poslove utvrđene Statutom i drugim općim aktima Saveza.*

*U članu 27. stav 1. Statuta dosadašnje tačke od 9. do 19, postaju tačke 10. do 20.*

### **Član 3.**

*Član 52. Statuta mijenja se i glasi:*

*„Član 52“.*

*Izabrani predsjedavajući Skupštine, zamjenik predsjedavajućeg Skupštine, članovi Predsjedništva Skupštine, članovi skupštinskih komisija i Nadzornog odbora, obavljat će svoju dužnost do održavanja sjednice Skupštine Saveza iz člana 24. stav 6. Statuta.*

### **Član 4.**

*Ova Odluka stupa na snagu danom donošenja i bit će objavljena u „Službenim novinama Federacije Bosne i Hercegovine“.*

G-din Ajkunić daje riječ g-dinu Predragu Šupljeglavu, članu Komisije za ustavna i zakonodavna pitanja.

G-din Šupljeglav konstatuje da je Komisija je razmatrala inicijativu općine Tuzla, te je donijela zaključak da je Inicijativa u skladu sa Statutom. Inicijativa je urađena u skladu sa pravnim aktima Saveza. Komisijin stav je da je Inicijativa kvalitetno urađena, te da se kao takva može uputiti na javnu raspravu članicama.

G-din Ajkunić konstatuje da se o ovoj Inicijativi već raspravljalo na sjednici Predsjedništva u Goraždu, te da bi Predsjedništvo u ovom slučaju imalo sedamnaest članova. G-din Ajkunić otvara raspravu po ovoj tački.

G-din Omerović se javlja za riječ. Smatra da g-din Imamović ovakvom inicijativom pokušava da ugradi sebe u Statut Saveza. Smatra da ako se ide na povećanje članova Predsjedništva da se i ti članovi biraju a ne da im je mjesto zagarantovano kao sjedištu kantona.

G-din Ajkunić konstatuje da se diskusija vodila u istom pravcu i na sjednici u Kalesiji.

G-din Imamović izražava žaljene radi stava g-dina Omerovića. Smatra da bi se ovom izmjenom u Statutu omogućio bolji i kvalitetniji rad.

G-din Ajkunić naglašava da niko nije protiv većih gradova. Smatra da ovo pitanje treba da se riješi. Otvara diskusiju.

G-din Šupljeglav konstatuje da bi povećanje broja članova Predsjedništva pospješilo rad Saveza.

Pozdravlja Prka – Razumijem o čemu se radi a kako dolazim iz male općine smatra da nije uvijek nužno da su načelnici velikih općina bolji nego manjih. Kompromis da Savez popravi rad. Možda je greška što se smanjio broj članova. Do sada nije inicijativu ni pročitao i nije bio na zadnje dvije sjednice predsjedništva. Misli da se trebalo ovo prije raspraviti a ne sada. Nije pratio šta se događalo, ali biti suzdržan.

G-din Mustafić se slaže sa g-dinom Šupljeglavom. Također dodaje da je trenutna situacija da samo sedam članova donosi odluke za 78 članica. Broj stanovnika ne mora biti jedini kriterij. Predlaže da to bude 19 članova.

G-din Šućur smatra da Predsjedništvo treba razmišljati u pravcu jačeg zastupanja prema višim nivoima vlasti. Smatra da bi se inicijativa trebala pustiti u javnu raspravu.

G-din Omerović naglašava da nije protiv većeg broja članova Predsjedništva. Samo naglašava da je i dosadašnji rad Predsjedništva dobar. Nije protiv većih kantona da imaju više predstavnika u Predsjedništvu ali da i to budu izabrane općine.

G-din Bubalo smatra da je sveukupni cilj što veća ravnopravnost.

G-din Imamović smatra da član Predsjedništva ne mora biti načelnik, nego i Sekretar općine ili Predsjedavajući općinskog vijeća. Uvrijeđen je da g-din Omerović smatra da on sebe želi da ugradi u Predsjedništvo. Jedini cilj je da se ojača Predsjedništvo i njegov rad.

**G-din Ajkunić zatvara diskusiju i predlaže sljedeće zaključke:**

1. Nakon uspostavljanja novih mandata, u roku od 30 dana da načelnici održe sastanke po kantonima te da sve prijedloge i inicijative statutarnih promjena upute Komisiji.
2. Da se održi tematska sjednica na kojoj će se razmotriti sve inicijative i prijedlozi.
3. Komisija da dostavi prijedlog statuta, te da se u roku od 30 dana općine izjasne po ovom pitanju prema Savezu.

Zaključci su usvojeni sa 8 glasova «ZA», 1 «SUZDRŽAN» (g-din Prka).

3. Prijedlog zakona o zaposlenicima u organima jedinica lokalne samouprave  
Izjavitelj: Selver Keleštura, predsjednik Radne grupe

G-din Keleštura izvještava prisutne o sastancima Radne grupe koja je slijedila smjernice Predsjedništva da se pristupi pripremi propisa i na fleksibilan način uredi administracija jedinica lokalne samouprave. Ovakav pristup se ne kosi sa temeljnim principima. Autonomija uređenja unutarne administracije je stavljena pod čvrstu regulaciju kroz državni zakon. To je suprotno principima Povelje o lokalnoj samoupravi. Komisija je zaprimila značajan broj komentara. Postoji podloga da se status zaposlenika u jedinicama lokalne samouprave uredi na fleksibilniji način kroz jačanje pozicije načelnika/gradonačelnika da odabere svoj tim. G-din Keleštura predlaže da se ne donosi odluka nego da se čeka potvrda mandata te da se tada razmotri tekst. A naknadno da se sa Federalnim ministarstvom pravde ide ka usvajanju ovakvog zakona.

**Informacija i prijedlog da se čeka potvrda mandata su jednoglasno usvojeni.**

4. Prijedlog zakona o izmjenama i dopunama Zakona o organizaciji organa uprave u Federaciji Bosne i Hercegovine  
Izjavitelj: Selver Keleštura, sekretar Općine Zenica

G-din Keleštura naglašava da se ovdje radi o suprotnostima u Zakonu. Ustavna pozicija načelnika je da je izvršni organ, kao i sa nadležnostima datim u Zakonu o principima lokalne samouprave. Stoga prihvaćeni su manji amandmani. Organi uprave su ministarstva, odnosno u općinama službe. G-din Keleštura predlaže, kao i sa predhodnom tačkom, da se čeka potvrda mandata prije nego se pristupi usvajanju i daljem djelovanju po ovom pitanju.

**Informacija i prijedlog da se čeka potvrda mandata su jednoglasno usvojeni.**

5. Izmjene i dopune Zakona o dugu, zaduživanju i garancijama u Federaciji Bosne i Hercegovine  
Izjavitelj: Elvira Imširović-Bolić, viši saradnik za pravna pitanja

Predstavnici Saveza su izvršili konsultacije sa Federalnim ministarstvom finansija oko implementacije Zakona o dugu. Donesen je zaključak da se zajednički kreiraju izmjene i dopune ovog Zakona. Savez je poslao dopis općinama da dostave sugestije i primjedbe na ovaj Zakon. Najviše primjedbi je bilo na član 7. te da se procent zaduživanja poveća sa 10% na 18%. Validan argument je da se općine u RSu mogu zadužiti do 18%. Savez je zaprimio i prijedlog iz općine Bihać koja nije upućena prema Federalnom ministarstvu finansija, a odnosi se na izvještavanje i prijedlog da se to vrši mjesečno.

Federalno ministarstvo finansija je izvjestilo Savez da su samo četiri općine dostavile izvještaj o zaduživanju, te da će uputiti dopis Savezu da obavijesti općine.

G-din Šućur konstatuje da ministarstvo priprema novi zakon i da su odmah uključili Savez. Izmjena je procent zaduživanja biti vezan na ukupna zaduživanja. Smatra da je to bolje rješenje jer će se općine moći zaduživati čim izvrše jedan dio otplate.

Gđa Travljanin konstatuje da je došlo do bitne promjene u tome što nas je ministarstvo odmah uključilo u svoj rad.

**Informacija je jednoglasno usvojena.**

6. Zakon o trezoru Federacije Bosne i Hercegovine - Izvještaj radnih grupa koje je formiralo Predsjedništvo Skupštine Saveza  
Izvjestio: Zlatko Voljevica, (Općina Centar Sarajevo) i  
Blagun Lovrinović (Općina Novi Travnik)

G-din Voljevica izvještava prisutne o sastancima dvije radne grupe čiji se izvještaji nalaze u materijalima. Ustanovljeno je da postoji dosta šarenila u općinama te da je ovo jedan veliki projektni zadatak. Radne grupe su identifikovale proleme te će pristupiti mogućnostima rješavanja istih. Zaključeno je da je potrebno održati sastanak sa Federalnim ministarstvom finansija kako bi ministra mogli upoznati sa problemima oko ovog zakona kao i dinamičkog plana. Neophodno je zahtjevati prolongiranje primjene ovog Zakona. Implementacija nije moguća trenutno. Neophodna je edukacija primjene i prakse ovog Zakona na lokalnom nivou.

G-din Lovrinović konstatuje da je nemoguće započeti implementaciju u toku budžetne godine. Općine okvirno mogu stići da se pripreme za implementaciju do petog mjeseca ali da se ipak traži odgoda. Porezne uprave još uvijek nisu spremne sve preuzeti. Što se tiče softvera bilo bi dobro da je to jedinstven softver.

G-din Ajkunić konstatuje da je dobro što Savez ima takve stručnjake po ovom pitanju.

**Predlaže dva zaključka:**

1. **Da se uputi zamolba za odgodu implementacije Zakona za 2010. godinu**
2. **Da se predstavnici Saveza sastanu sa resornim ministarstvom. Da se pored Predsjednika Saveza, g-din Ljube Bešlića, imenuju g-din Emir Bubalo, g-din Blagun Lovrinović, g-din Zlatko Voljevica, i gđa Ana Blažević kao predstavnici Saveza na ovom sastanku.**

**Zaključci su jednoglasno usvojeni.**

7. Informacije:
1. Aktivnosti vezane za projekat «Podrška procesu ustavnih reformi – rasprave u općinama»  
Izjesticilac: Amir Kupusija, saradnik za odnose sa javnošću

G-din Kupusija izvještava prisutne o organizaciji 15 javnih debata u suradnji sa SDCOM, Švicarskom razvojnom agencijom u BiH. Savez će uputiti dopis svim općinama kako bi se odabrale adekvatne teme u sklopu Ustavnih reformi.

G-din Čenanović smatra da bi Savez trebao predložiti teme te da se općine na osnovu toga izjasne o temama.

**Prijedlog je jednoglasno usvojen.**

2. Aktivnosti vezane za Projekat integriranog lokalnog razvoja (ILDLP)  
Izjesticilac: Šejla Hasić, viši saradnik za projekte – projekt menadžer

Gđica Hasić kratko izvještav prisutne o dosadašnjoj implementaciji ILDP projekta, čiji je cilj razvijanje uniformne strategije lokalnog razvoja kao i standardizacija procesa.

**Informacija je jednoglasno usvojena.**

3. Projekat u organizaciji InWent-a «Evropske integracije i upravljanje evropskim fondovima» - odabir predstavnika Saveza  
Izjavitelj: Elvira Imširović-Bolić, viši saradnik za pravna pitanja

Gđa Imširović-Bolić kratko izvještava prisutne o InWent projektu koji će trajati do decembra 2009. godine. Savez treba imenovati tri predstavnika koji će aktivno prisustvovati radionicama na temu Evropskih integracija i upravljanju fondova. Prva radionica je u Albaniji gdje će se kandidati testirati u znanju engleskog jezika i općeg EU znanja, te da obučene osobe moraju biti na raspolaganju Saveza u naredne tri godine. U materijalima se nalaze informacije o prijavljenim kandidatima te je na Predsjedništvu da odaberu tri osobe.

G-din Ajkunić predlaže da Stručna služba Saveza izvrši odabir te izvjesti Predsjedništvo na slijedećoj sjednici.

**Prijedlog je jednoglasno usvojen.**

4. Radionica na temu: «Proces kreiranja i zagovaranja javnih politika»  
Izjavitelj: Zlata Turkić, saradnik za rad sa skupštinskim komisijama i institucijama vlasti

Gđa Turkić kratko izvještava prisutne o izradi upitnika i potrebi da se isti izrade za svaku komisiju ponaosob kako bi se istražila pitanja iz datih oblasti i koristila pri kreiranju programa rada Saveza. Gđa Turkić naglašava da se svi dokumenti nalaze u materijalima za sjednicu.

**Informacija je jednoglasno usvojena.**

5. Nacrt zakona o turističkoj djelatnosti  
Izjavitelj: Elvira Imširović-Bolić, viši saradnik za pravna pitanja

Gđa Imširović-Bolić izvještava prisutne da se Savez očitovao po pitanju ovog Zakona te da se turističke zajednice vrte u nadležnost općina. Naglašava da općina Čitluk po sadašnjem zakonu ima najviše štete. Na temelju primjedbi evidentno je da je neophodno što prije donijeti Zakon o turističkim zajednicama.

G-din Bubalo smatra da se Prijedlog zakona što prije stavi u proceduru.

G-din Šućur naglašava da vlada trenutno nema koncezusa te da je neophodno da Savez uputi zahtjev na Komisiju za lokalnu samoupravu.

**Prijedlog je jednoglasno usvojen.**

8. Inicijative Općine Stari Grad Sarajevo  
Izjavitelj: Suada Hadžić, općinski pravobranilac

1. Zakon o građevinskom zemljištu

Gđa Hadžić pozdravlja prisutne i čestita na izborima. Konstatuje da se Zakon ne primjenjuje u svim općinama. Naglašava da su to znatna sredstva za općinu, te predlaže da se donese odluka i pošalje svim općinama oko primjene Zakona.

2. Zakon o prostornom uređenju



Gđa Hadžić ukratko izvještava prisutne da se već radi na izmjeni tj. novom Zakonu o prostornom uređenju. Predlaže da se anketiraju i druge općine po ovom pitanju, te da se Inicijativa Općine Stari Grad uvrsti u dostavljene primjedbe i komentare.

G-din Bubalo konstatuje da je OHR donio ovaj Zakon i da je on sam po sebi problematičan.

G-din Ajkunić podržava Inicijativu i predlaže da Komisija za ustavna i zakonodavna obrati pažnju na ovaj Zakon. Predlaže da se obje inicijative podrže preko rada Komisije.

**Obje inicijative, kao i prijedlog g-dina Ajkunića su jednoglasno usvojene.**

9. Inicijativa Općine Sapna vezana za Zakon o uzurpacijama

Izvjestilac: Ismet Omerović, načelnik Općine Sapna

G-din Omerović ukratko obrazlaže dostavljenu Inicijativu vezanu za Zakon o uzurpacijama.

G-din Omerović konstatuje slična dešavanja u općini Kalesija te smatra da je to produkt tadašnje politike i nejasnoća šta je državno zemljište.

G-din Ajkunić podržava i naglašava probleme grunta i katastra oko vlasništva i stvorene probleme oko povrata zemlje.

G-din Prka konstatuje da je zakon neustavan te da je potreban novi zakon.

G-din Šućur naglašava da će se formirati dvije ekspertne grupe, te da će se sve definisati Zakonom o stvarnim pravima.

**Inicijativa je jednoglasno usvojena.**

10. Inicijativa Općine Vareš vezana za izmjene i dopune Zakona o šumama u Federaciji Bosne i Hercegovine

Izvjestilac: Hamdo Fatić, načelnik Općine Vareš

G-din Fatić naglašava da sadašnji Zakon nije dobar, te izlaže dostavljenu Inicijativu.

G-din Ajkunić smatra da je neophodno kroz Savez vidjeti priloge koje viši nivoi vlasti ubiru na osnovu ovog Zakona. Navodi primjer svog kantona gdje su jedinice lokalne samouprave u najgorem položaju jer kanton uzima skoro cijeli iznos.

**Inicijativa je jednoglasno usvojena, uz to da se obrati posebna pažnja na to kako povećati budžet lokalnih zajednica.**

11. Imenovanje dva predstavnika Saveza u Koordinacijsko tijelo za reformu lokalne samouprave

**Na prijedlog g-dina Ajkunića jednoglasno je usvojeno da se g-din Vlado Alilović i g-din Emir Bubalo imenuju u Koordinaciono tijelo za reformu lokalne samouprave.**

12. Imenovanje Odbora za pripremu materijala za Izbornu Skupštinu Saveza

Gđa Travljanin izvještava prisutne da bi se Skupština Saveza trebala održati u Februaru nakon potvrde mandata. U materijalima je dostavljena odluka za imenovanje Odbora za pripremu materijala za Izbornu Skupštinu.

Prema Prijedlogu odluke članovi Odbora su g-din Hajrudin Katardžić, g-din Predrag Šupljeglav, g-din Mario Rozić, gđa Mediha Nuhbegović i gđa Amela Zahirović.

**Prijedlog i Odluka su jednoglasno usvojeni.**

13. Posjeta delegacije Kongresa lokalnih i regionalnih vlasti Vijeća Evrope u svrhu nadgledanja lokalnih izbora  
Izvjestilac: Amir Kupusija, saradnik za odnose sa javnošću

G-din Kupusija ukratko izvještava prisutne o posjeti delgacije Kongresa lokalnih i regionalnih vlasti Vijeća Evrope, Savezu. Gđa Travljanin i g-din Kupusija su primili delegaciju, te razgovarali o izborima, upoznali delegaciju sa radom i aktivnostima Saveza kao i problemima sa kojima se jedinice lokalne samouprave susreću u BiH.

**Informacija je jednoglasno usvojena.**

14. Sastanak sa predstavnicima SDC-a i MDP Inicijative  
Izvjestilac: Amir Kupusija, saradnik za odnose sa javnošću

G-din Kupusija upoznaje prisutne o sastanku sa predstavnicima MDP Inicijative. Na sastanku se razgovaralo o budućoj suradnji, razmjeni najboljih praksi i organizovanju zajedničke konferencije u 2009. godini.

**Informacija je jednoglasno usvojena.**

15. Tekuća pitanja

Gđa Turkić izvještava o aktivnostima Komisije za ekonomski razvoj po pitanju Nacrta izmjena i dopuna Zakona o koncesijama. Dodaje da je Komisija za ustavna i zakonodavna pitanja, zajedno sa GAPom raspravljala o ovom Zakonu. Dostavljene su primjedbe i prijedlozi te je sačinjen finalni izvještaj. Na sadašnji nacrt je bilo dosta primjedbi a naročito na član 6. Zakona. Komisija predlaže Predsjedništvu da provede javnu raspravu u općinama te da se sugestije pošalju Komisiji za konceasije Vlade F BiH.

**Prijedlog Komisije je jednoglasno usvojen.**

Gđa Imširović-Bolić obavješta prisutne o Inicijativi koja je dostavljena Savezu iz općine Grude a koja se odnosi na raspodjelu javnih prihoda u njihovom kantonu.

G-din Ajkunić predlaže da se kontaktiraju sve općine, te da se utvrdi da li je takva situacija i u ostalim kantonima. Nakon toga, predlaže, da se ugovori sastanak sa višim nivoima vlasti koji mogu uticati na izmjene.

**Prijedlog je jednoglasno usvojen.**

G-din Kupusija je ukratko izvjestio prisutne o pripremama za slijedeći krug Beacon Scheme (IV). Sva informacija se nalazi u materijalima, te će Savez blagovremeno izvještavati Predsjedništvo o daljim tokovima implementacije Projekta. Savez treba da imenuje člana Upravnog odbora. Važno je naglastiti da je Beacon Scheme prešla na lokalni nivo.

**Jednoglasno je imenovan Amer Čenanović u Upravni odbor Beacon Scheme.**

Sjednica zaključena u 14:30 sati.

Predsjednik Predsjedništva  
Ljubo Bešlić, s.r.

Zapisničar  
Šejla Hasić, s.r.